

ANPAO KIN.

THE DAYBREAK.

"Wankantanhan Anpao kin hiyounhipi."—Luke 1. 78.

VOL. XVI

FOREST CITY, SO. DAK., SEPTEMBER, 1900.



ANPAO KIN.

REV. E. ASHLEY
REV. W. J. CLEVELAND { Editors

ANPAO KIN wi iyolina, wiyawapi anpetu tokaheya eca mazaakdirpeyapi.

WI XAKPE on kapi, qa wi iyohina akezaptan (15) aokpani xni, ptayena partapi, wicacaje wanji na ekta hiykiyapi kta cinpi kinban, icupi kin iyohina kaxpapi wanji (10c) on kajujuipi kta.

WIXAKPE on kapi, qa wi iyohina wanji na icupi kta cinpi kin, kaxpapi wanji sanm okise (15) on kajujuipi kta.

Icupi xni itokab kdajujuipi kta.

Wowapi askahyapi maxaxana wanji naix nonpa owapi kin, mazaska eekiya, ANPAO KIN opeton okilipi kta.

Tuwa wowapi kagin kte ca wowapi ska sani el owa kta.

Opetonpi kta wowapi hiykiyapi qai ed taku oyakapi kta cinpi na hiykiyapi ea, wowapi qjaha akand deceed owapi kta.

REV. E. ASHLEY,
CHEYENNE RIVER AGENCY, S. D.

Yawaxteya Cajeyatapi Wowapi Wan.

ANPAO KIN icikoyagunyanpi qa wicorawaxte econ iyounpaxtakapi kta wookiili yuha. Okodakiciye-wakan opapi tka abebeya tipi kin, hena iyotan taokiye waxte beca kta. Bixop waun kiu eciyatohan, taku ecamon onxpaxpa oyakapi qa taku bduotanin kta wacii kin hena owasin, qa Tipiwanan iyaza omawani woyakapi kin hena, qa naktun Okodakiciye-wakan kiu wotanin tawa toktokeca ed kagapi kta. Oyate unkitawapi kin owasin ANPAO KIN icupi qa sami wicaxa tokeca wicacupi nii; ecamni.

W. H. HARE,
Yewicaxipi, Bixop

ABLEZA PO!

Sioux Falls, S. D.,
June 1, 1900.

Tokata St. Matthew Taanpetu, September 21, 1900, Cheyenne River Agency (Holiwoju), S. D., ekta na Ascension woeekiyiye oyante el; Hinhan wakpa iyohe-loke cin ikiyela, Niobrara Convocation kin himniciyapi kta e le-eciyatanhan wicakicopi.

W. H. Hare,
Attest: Wm. Holmes, Bishop.
Secretary.

Tokata September wi wiyawapi 21 kin hetanhan Niobrara Convocation mniciyapi kte cin yao-taninpi kin on, icunhan St. Andrew Sunkakiciyapi kin etanhan Provincial Chapter kin is eya mniciyapi kta ea le-eciyatanhan wicakiyataninpi.

September 22d hihanna 6:30, kinhan, Ascension. Tipi Wakan kin el, tona St. Andrew Sunkakiciyapi opapi kin, ptayela. Wotapi wakan icupi kta na icunhan Baptisma wakan woičeouza kin na Sunkakiciyapi kin on piya, wacinyan na yačinsya ičiconzapi kta ea wicakicopi.

E. Ashley,
Prov. Chap. Itancan

Provincial Chapter el Takuku iwoglakapi kte cin.

1. Sunkakiciyapi kin taku on wašake šni na taku on wašakin kta he.

2. Tona St. Andrew Sunkakiciyapi el opapi kin woimagaga obe tona elipeyapi, naiš tona glu-hapi kta iyececa he.

3. Provincial Chapter etan Chapter hiyeye cin, Koskalaka wan iyaza omani kta e heca yuhapi kta naiš yuhapi kte šni he.

4. "Okolakicieye Wakan owan-caya (Catholic) kin" he tokel kapi he.

5. Wawiyutanye cin he tuwa towasake on iyutanwicaya he.

6. Sunkakiciyapi opapi kin takuku yatinšya onspesi kta iyececa he.

OKOLAKICIEYE WAKAN WOTANIN.

Watertown, S. D. el Wicasa wakan tokeca wan Rev. Mr. Campbell eciyapi kin he yuhapi.

Rev. Mr. McKaye eciyapi kin he Aberdeen el ounye ca Redfield na Gettysburg otouwe kin hena awanyaka.

Rev. Charles E. Snavely, tuwa Oglalata un qon na Wyoming ekta kigle çon, he ake South Dakota obašpe kin el gli na Lead City, S.D. hel hiyotanka ce eyapi.

Minnesota obašpe nom yuhapi kin, he iwaziyata yanke cin he Duluth yewicaxipi obašpe kin ee, ca Raratonwan (Chippewa) ewicakiciyapi kin he el opapi. Iyunkan waniyetu ota Rev. J. A. Gilfillan awanwicayake cin he enakiya, na wanji tokeca, Rev. T. H. M. V. Appleby eciyapi wanna awanwicayake.

Bishop Gilbert te cin on wokisuye wanji kagapi kta cinpi. Wanji lila kuwapi kin he, Farnabault (Ale otonwe) el wicasa wakan owayawa he cin he on sanpa iyoptin kta e mazaska 30,000 mnayanpi kta cinpi.

Okolakicieye wakan el makabaspe nonpa, wanji Diocese eyapi, na unma Missionary Jurisdiction eyapi. Obašpe unkitawapi kin inonpa heca na nahačin oicihi šni lakaš Yewicaxipi mniciyapi kin he ounkiyapi ece tka. Diocese kin he oīgihi kecanwicakipni lakaš tawaičiyapi na Bishop yuhapi kin te canna tuwa tohe el najin kta e tokeca wan glalnigapi ece. Hececa eša Diocese ota ewicakiyapi kta e Yewicaxipi mniciyapi kin mazaska wicaqupi omaka iyo. Yunkan lecalamniciyapi kin he mazaska aokpaniyan wicaqupi kta yuštanpi. Tuktel mazaska wanji wicaqupi

kin kašpapi nom eglakupi kta na le omaka iyohila hecel econpi kta ecel omaka zaptan ohanketa Diocese kin hena Yewicaxipi tamazaska on owicakiyapi kte šni ičiconzapi.

Omaka iyohi Diocese tona owicakiyapi qon mazaska 75,000 omaka iyohi wicakipamnapi, na wanna aokpani wicaqupi kte cin eciyatohan mazaska 12,000 kpatani na hena Cuba, Porto Rico na Philippine wita ektakta yewicaxipi kin on ilagyapi kta naceca. Diocese unpi kin lecel mazaska wicakigluzapi kte cin ota iyokipipi šni. Eya wicasa na winyan, wakanheja ko tokel okihipi kin ognayan kicunpi unkans lila ota kta, cinpi kin isanpa, na hecel kowakata naiš tityata yewicaxipi kin takunni icakijin kte šni tka. Ito taku kin le Lakota oyate kin tona "Christ wacinyanpi na iye tawawicaye iglawapi oglakapi kin" lila awacinpri na wawokiyapi kta iyececa.

North Dakota obašpe kin el Thos. Pašeca Ashley wanna Deacon kagapi na Inyanwakagapi el wowasi econsiipi. Tipi wakan el he cin nakan apiyapi na tanyan yuštanpi keyapi.

Alabama obašpe kin el Bishop okiye wan kalnigapi qon he yušukanpi šni ecel tani kin - Bishop Wilmer eciyapi kin - he te na on otahanyan sna Bishop nicapi, Qeyas itahena unma kin yuwakanpi na wana obašpe kin ataya on Bishop heca.

Pennsylvania obašpe kin etanhan Layman wanji lecalat te, he Mr. James Biddle eciyapi. Wicasa kin le Okolakicieye el lila skan ece na tanyan econ kin on waniyetu ota ataya mniciyapi tanka kin opa tka.

New York otonwe kin el Wicasa wakan wan okinhan heca nakan te, he Rev. Heman Dyer eciyapi. Wanna waniyetu wicemna napciyunka hehan te. Wicasa kin le lila okalniga na ksapa cankel ohinni wacinyanpi na takuku wiyungapi ece. Tohinni omaka 1873 he ehan Kansas el Bishop un kta ca kahnligapi tka onšiiciye lakaš wicala šni. Hececa kés ohinni kinihapni ece.

Western Texas Yewicaxipi obašpe kin he tokata 1901 omaka kin San Francisco el Ataya mniciyapi econpi kte cin el Diocese heca kta igluwiyeya keyapi.

China makoce kin el lila otehi-ka na "Boxer" ewicakiyapi kin Wicasa wakan na Pecokanhanska oyate etanhan Christian hecapa ota wicaktepi kin on, makoce kin he itogata hel Bishop Graves unkitawapi kin winyan tona wowaši wicayuhé cin hena nipi kta ca

Japan makoe kin ekta yewicasi. Tokša wokicize kin ayuštanpi canna ake ekta glapi kta. Okililaton kin le akisnapi eca hehan China makoce kin el yewicasipi wicohan kin akiglegle škanpica kta kecinpi.

Bishop Doane na Dudley tuwa Saglašata Yewicaxipi omniciye wan ehanni 1701 el kagapi kin on wokisuye econpi kin ekta yewicasipi kin wanna glipi. Heciyahip kta kin lila omniciye tanka na oiyokipi econpi na Bishop lenios otakiya woglakapi na taku tona eyapi kin iyuškinyan nalionpi catanin.

Rev. P. C. Wolcott, tuwa ehan-ni Rev. H. Burt (Iglake sa) Oglalata kici un qon, na lehan Chicaga obašpe el un kin, he lecal. Bishop tawa kin kici miniwanca kowakata icimani iyaye. Saglaša makoce kin ekta Owayawa wankantuya yuhapi kin na oton-we tanka kin hena iyaza wanyag emanipi kta eyapi.

Mexico makoce kin ekta Yewicasipi on lila tanyan econpi. Le-calat ataya omniciye econpi na icunhan wicohan tawapi kin iyo-ppte icaga ca yaotaninpi. Wicasa wakan heciya škanpi kin iyuha Mexican hecapi na Bishop heca yuhapi šni, tohinni wanji yuhapi tka enakiye, na itahena Milahanska Wašicun wakan wan, Dr. Forrester ekta un na tokel okihowiakicieye. Owekinis toka tata Bishop yuhapi kte cinhan is Mexican heca kta naceca, icin Oyate-kin he Okolakicieye ataya tawaičiyapi kta icagapi kta cinwicakiciyapi kta ičiconzapi.

October 10-14 kinhan Brotherhood of St. Andrew United States el un kin he Richmond, Va. ekta ataya omniciye econpi kta. Wanna Chapter 1650 isanpapi hecel kahnlis opapi kte cin lila otapi kta naceca.

Hehan Oct. 23, 24 na 25 icunhan Louisville, Kentucky ekta Missionary Council (Yewicaxipi on Omniciye) kin he mniciyapi kta na wanna takuku yuwiyea škan-pi.

Ohio makopaspe ekta ohinni taspan ota icahyapi sa tka le bloketu icage cin išnala lila ota na waštešte keyapi.

Montana makopaspe ekta, Ma-ga Ska Blé makoce kin hel contanka ileyapi yunkanwazi can na lante waštešte woju iyutapi woyawa tanka ota ataya ahulinača. Lila mašte na puza cin on olan-koya ile, nahana tuktel asnikiyapi kés ake tokan piya ile keyapi.

Le bloketu kin makoce otan-kaya lila puza canke peji otehi-kin kta iteka.

THE DAYBREAK.

REV. E. ASHLEY
REV. W. J. CLEVELAND { Editors

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to

REV. E. ASHLEY,
Cheyenne River Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

OKOLAKICIYE WAKAN WIYAWAPI KIN

SEPTEMBER WI KIN

2. Yamni ohakab Anpetu Wakan Iakenonpa.....To
9. Yamni ohakab Anpetu Wakan Iakeyamni.....To
16. Yamni ohakab Anpetu Wakan Iaketopa.....To
21. St. Matthew Wahoshiye kin Taanpetu.....Sa
(Le anpetu kin Convocation eyotankin kta.)
- 22 & 23. Convocation
23. Yamni ohakab Anpetu Wakan Iakezaptan.....To
29. St. Michael na Oglidle oyasin.....Ska
30. Yamni ohakab Anpetu Wakan Iakesakpe.....To

Wotanin-wašte Ayapi On Wocekiye.

Anpetu iyohi wicokaya he cin ehan eyapi kta:

Waukiya wašte isto wacantki-ya nitawa kdugad, canicipawega akan otkeyahan yaun tka qon, maka akan wicasa un kin owasin Niye ekta etonwanpi qa niwicayapi nunwe. Amen.

Okolakiciye Wakan Wiwicawangapi kin.

St. Michael na Oglidle Wakan oyasin

W. St. Michael na Oglidle Wakan oyasin wokiksuye cin tohan-
tu he.

A. September wi wiyawapi 29
hehantu.

W. Michael kin on Wowapi wakan taku eya he. Wayuotan-
in 12: 7, 9.

A. Michael na Oglidle tawa
kin, waubluška kin, Wakanšica na
Satan eciyapi kin, kie kieizapi,
na wanbluška na tona oookiyewi-
caye cin, malipiya etanhan tan-
kan elipewicayapi.

W. Judas tawowapi kin oegle

inapciyunka el Michael on tokel
eyapi he.

A. He el Oglidle itancan heca,
na Moses tanean kin on Wakan-
šica kici akinica qonhan, waošte-
gla woiyaonpe eciyin kta tawa-
telye šni eyapi.

W. Qeyas, Michael, Wakanši-
ca taku eciya he.

A. "Itancan kin iyopeniyan
nunwe" eya. Judas o, 9.

W. Michael ohan kin etanhan
taku unkonspepi kta he.

A. Icinšniyan eyapi kin itoun-
papi kta, na tuwa šicaya econ kin
he Wakantanka el unkayuštanpi
kta.

W. Icinšniyan eyapi kin he
taku he.

A. Wicasa toktokeca wocaniye
on, nais iyukean šni on eajewica-
yatapi kin he; woiae akta oyaka-
pi, nais woyakapi, wowicake is
wowieake šni esa, unkikiyela tipi
kin wiounyašicapi kta unkoyaka-
pi sa kin ee.

W. Waajipi sa kin on tokel
St. Paul eya he. Roma. 1: 28,
30, 32

A. Tona heconpi kin "wicota-
wacin walitešni kin el awicayu-
štanpi" nahan "wiconte iyagle-
ciyapi" keye.

W. Waaiapi kin on tokel St.
Paul eya he. 1 Korinth. 6: 10;
Gal. 5: 20

A. "Tona witkopi sa" na "sice-
kicilapi" "wawakipajinpi" econpi
kin he Wakantanka tokieonze kin
tawapi kte šni, keya.

W. Le on St. James (Jakob)
tokel eya he. Jakob 1: 26

A. "Tuwa niyepi kin etanhan
wooholapi kia el opa seca na ceji
glaške šni kinhan.... wooholapi
ope ein he taku šni" eya.

W. Oglidle eyapi kin he taku
he.

A. Wahoshiye wan he kapi.
Wowapi wakan el, malipiya wo-
niya wan, tuwa Wakantanka wa-
hoši yesi, nais tawacain econ kta
yesipi kin he kapi.

W. Wowapi wakan el Oglidle
touncagepi kin on tokel ayable-
za he.

A. Tancan kapojela na oniya
se yuhapi, nahan wicasa ouncege
iyecel iglutanin okihipi kin he
awableza. Wico. 19: 1

W. Tohinni Oglidle wicasa iye-
celya taniničiyapi qon wanji oma-
kiyaka ye.

A. Tohowin Oglidle nom, wi-
eašapi se Lot el iglutaninpi, na
Sodom otonwe ihangyapi kta ein
okiyakapi qon "wowicakihan
iyunkan yutapi."

W. Oglidle wan Hagar el iglu-
tanin qon he oyaka ye.

A. "Iyunkan Jehovah taegligle
wan Hagar tinta el iyeya, mini-
lloka wan ikiyela" na kici wo-
glaka. Wico. 16: 7

W. Wicoieage wowapi 32: 1 el
Jakob on taku eyapi he.

A. Jakob tacanku ogna iyaye
ca Wakantanka oglidle tawa itko-
kim hip.

W. Wicayawapi wowapi 22:

31 el Balaam on tokel eyapi he.

A. Balaam "Jehowa oglidle
canku onajin wanyaka" eyapi.

W. Oglidle tuwa na taku on
Daniel el iglutanin he. Dan. 9:
21, 22

A. Oglidle "Gabriel" eciyapi,
na wokañige woksape ko qu kta
hi kin hee.

W. St. Peter wicakaška tipi
etanhan tokel eyakupi he. Oian.
12: 7

A. Jehowa oglidle tawa kin
mazaioiealaha kiyusloke, wica-
kaška tipi tiyopa kin kiciyuza-
mni, na zaniyan tankal aya.

W. Wowapi wakan el oglidle
taku yuhapi eyapi he.

A. Wowašake, wosloye, wo-
ksape, woecela na wowakan el
wašakapi; heon etanhan "Oglidle
wakan" ewicakiyapi ece.

Wowapi wakan yawapi wawokiya.

IV. -- Idumen Antipater wokiconze, na Herod tawa kin, B. C. 63-4

1. Herod ospaye icagapi kin
Antipater hecel wowašake ieu
kin on, iye iwašte kta ca ilagye,
na tokel okihin Roma oitan-
canpi kin otakolawicaye. To-

hinni Julius Caesar, Egypt ekta
hi na Alexander el wokieize econ
qon he okiya, na heon B. C. 47
he ehan Roman citizen heca kaga-
pi, nahan Judea makoe kin
ataya awanyakin kta ea kiyustan-
pi. Leel wowašake yuhe cin
eiyatanhan iye cinhintku haka-
ta, Herod eciyapi kin, he Galilee
makaokašpe kin el itancan
kta e kañiga; na ohakab B. C.
43 atkuku pejihuta šica on ktepi
na Herod išnala un esa, wayupi-
ya škiičiye cankel Mark Antony
na Octavius (Roma itaneanpi kin)
lila kolawicaye, hecel B. C. 40 el
Judea ataya wicasayatapi kta e
kañigapi. Omaka B. C. 37
Roma akieita okiyapi kin eciy-
atanhan on Jerusalem otonwe kin
ohiye ea Asmonean itancan ehake
cin, Antigonus eciyapi qon he yu-
juju, tka tojanku Marimne eciy-
api, Hyreanus wošna kaga itancan
qon takojakpaku kin, he yuze, ca
wanna Roma oyate ihukuya wi-
casayatapi itancan heca ecel un.
Tonpi kin eciyatanhan Idumaea
wicasa heca, woohola yuhapi kin
Juda wicasa kaga, na on-
spckiyapi na cin kin eciyatanhan
Greek heca, na lena on tokel
okihika, Juda na Greek wicasa
awanwicayake cin okiwanjipila
kta ca lila škan. Zion paha akan
tipi wan teea tanka iecaga,
otonwe conkaške kin sam wan-
kantuya kaga, na tuktel wankala
hecinhan yusuta; Tipi Wakan
(Temple) kin ake piya na lila
ayucoya kaga, na timahel wošna
kaga oyanke kin iye kagapi kta
owinwicakiye esa, iye iyatayela
Ikeewicasa oinajin tawapi kage
ein-omanipi kin na waboslata he
ein yupiye kaga, eciin amanipi

kin inyan wašte (marble) on
eonpe, nahan tiyopa tona wašte-
ste kage, etanhan wanji "Solo-
mon ohanzilepi" (John 10:23) na
wanji "Tiyopa wašte" (Oian. 3: 2)
ewicakiyapi.

2. Herod waonšilašni oħanye
cin. Herod wowašake yuhe cin
on tokel okihin škan esa, Juda na
Ikeewicasa tawawicaye cin hena
iyokipiwicaye okihin šni. Iye
toni na tohan kin eciyatanhan on
iglutokanpi. Iye tiwahe kin el
otakiye tinlwicakte econ. Taku-
wicaye, kolawicaye na ikiyela-
unpi, wicaka, winyan ko, iya-
wicaonpe pieapi šni esa owe-
cinhan tokel cin kin wicakte. Wi-
calica qon na wokiconze sam
tanka igluha kta okihin šni atanin
kin on, ignuhala taku on etanhan
šni wicota wicakte sa. Omaka
B. C. 4 Jeriko el yanke icunhan
tanmahel woyazan šica on ta, tka
te šni iškab wicolah šica, wo-
eon ekta šni kin on woohola yu-
juju, wošna kagapi kin wicayuši-
ca, wicasa okinikan wicakte, na
wicelan toktokeca šikšica econ
kin on makoce tawa kin Roma
oyate etkiya wiyopeye.

3. Heon Juda oyate itokeca-
pi. Juda oyate kin ocib woki-
conze on tawaičiyapi šni kin on
tanyanpi šni. Tawawicaye cin
toopepi, na womnaye ocaje, wo-
eon toktokeca ahipi na econwica-
kiyapi kin lila icanzepi na waki-
pajinpi, na isakib sanpa na sanpa
oyate tokeca iwyajašni ičilapi,
na igluwankantuyapi na wali-
niciyapi ieuhan, tani woowotanla-
tawapi kin ieinšniyan awacinpi
ece. Woope tawapi kin ieinšni-
yan waonspipi na tokel kapi ke-
einpi ogna kitapi; wokcanpi kin
taku kapi kecinipi kin he eciy-
atanhan yuecetupi kta awacinpi,
na wakan cekiyapi el woecon to-
ktokeca icañi škanpi. Wanna
Pharisees, na Wowapi kagapi kin,
na Woope aiapi kin hena iyotan-
wicayawapi, na Wošna kagapi,
Lewi ko aoptelwicaye, na woon-
spe yuhapi kin, ikeeyakapi na
waakinicapi on yuhapi cankel
wookihi yatinsya takumni yuhapi
šni.

Niobrara Deasery ed St. Andrew's Sunkakiciyapi, Provincial Chapter un he Rev. E. Ashley, Ihanktonwan oyante ed chapter unpi he tipi wan ičicagapi wan-
kduštanpi heon ed May 22, 1900,
omničiye econpi kta wašte eya,
qa wawapi - kaga he chapter tona
Dakota ohan unpi hena wawapi
wicaqun qa he anpetu, litayetu 8:
P.M., Itancan lice cin hi šni, Rev.
E. Ashley, tka Iyokihe Louie
Claymore ed un heon omničiye
econpi kta eyapi qa tokaheya Mr.
Holmes wocekiye on omničiye
yugan, wacajeyatapi qa Isanyati
tipi etanhan 9 hipi qa Ihankton-
wan tipi etanhan is 19 opapi qa
Rev. Budlong is Springfield, S.
D., etanhan hi, he State de ed
Sunkakiciyapi unpi ataya on wo-
wapi - kaga hee, he wokdagšipi
unkan tukte etu esaš heca omni-

ciye econpi can iyokipi qa ed opeya škan kta cin ecee keya, eya wicohan de wašicun makobaspe de ed heca opapi kin tanyan škanpi šni qa Dakota ee tanyeli škanpi abdeza keya. Tukted ptaya škanpi hed wowašake yukan tka tukted kicipajinpi hed wowašake wanica ce eya. Onge niš eya ded henicecapi nawašion ešaš to he iwawakdakin kte šni tka ee, taku on koška omniciye de kagapi he unkabdezapi huwo? Tona tawoope qeya ed unkicenzapi hena eced econqonpi huwo? Qa anpetu iyohi Christ Tokiconze kin icagin kta e on wocekiye unkeyapi ecee huwo? Hehan anpetu iyohi, otoiyohi miye on icagin kta, unkecinpi šni huwo? Qa tona anpetu iyohi omaunniqa tuwe keceyaš wanunyakapi can toked ob wounkdakapi qa nagipi kin on iwounkdakapi šni sece, qaiš wacekiye uwicaunšipi qa tohand hipi can hehanyena ed ewicauntonwanpi šni wašte sece, hiya atabya wicaunqonpi qa eced unkita wicolianpi eced unkduštanpi kta. Dakota chapter nom tankinkinyan wickiyena waun heon ito niyepi wanji iyececd māyadawapi wacin, wicohan de okna waškan qa minagi waštewakida iyececd bdawa qa eced wicaša wakan tawicohan iyowalipabda, heon tohantu qeyas nakun taku epin kta wiyeya waun, heon 'Taku-Wakan unkicipi un,' eya.

Mr. Holmes he ito Mr. Budlong tohanyan omniciye econpi hehanyan ijiya opeya caje owapi qa škan kta cajeyata qa Mr. Goodteacher he okiya qa nakun iapi wašte wicaqu heon pidapi wašte eya, qa he okna yuštanpi.

Mr. Goodteacher he wana taku iwokdakapi kta hena cajeyatapi wašte eya, qa to iye tukte yuha hecinhan he caje kdatapi kta keyapi qa he dee: "Sunkakiciyapi taku on wašake šni qa taku on wašakin kta he?"

Holy Fellowship Chapter ed opapi ota waniyetu wanji, nonpa hehan omniciye ed awicaupi cinpi ešaš okihipi šni heon Committee wan kašinigapi qa he tanyan iwayag upi qa eced wicacaje 14 wicapajupi, unkan hehand nakaha iyokipi šni, ešaš umanpi hena sutaya najinpi heon ake omniciye tanyan aya keya, eya hektah hehan onge toked okihipika aiciciya tanyan škanpi eša onge iš tanyan škanpi šni heon ogejuya tanyan omniciye iacaje wicayatapi šni heon de heced econpi keya.

S. C. DeFond iš de taku kin chapter wanjina ed woecon heon ataya omniciye wan ed cajeyadpi- ca šni qa iš on tukte oknayan woope akalipica šni, tka iyepi ekta ijiya taku dececa yuhapi hantanhans chapter tawapi ed iwokdakapi qa tukte okna wašte iyukcapi kin okna kduštanpi kta iyececa keya.

Mr. Holmes taku kin de iyececa sccea wan cajeyatapi kta yuha hipi, tka eya wana tukte okna kta iyececa sccea ešaš, ito de on wowapi wan General Secretary kin wicaqu he yawapi cin kta keya. Mr. Budlong iš de wana taku kin hehanyena eyapi wašte keya, cin decec econpi he tanyan econpi, qa de wicohan kin chapter owasin econpi aui keya. Wicaša conana tanyan škanpi hee wašte qa 50 tanyan škanpi šni hee tanyan šni, qa wicaša ota ope wicayapi kte licin heon tanyan šni ce eya, qa onge išpewicayapi qa heon tanyan hantanhans ake onge išpewicayapi qa tona tanyan škanpi henana caje wicayapi kinhan he wašte kta ce eya.

Enakiyapi kta cajeyatapi qa okihipi heon dowanpi qa enakiyapi.

May 23rd, 1900, hinhanna he ed ake omniciye qa Itancan kin Rev. Goodteacher wocekiye econši, qa yuštan hehand omniciye yugan, wacajeyatapi qa hehand woecon yawapi qa hehand taku tona iwokdakapi kta yuha hipi hena oyakapi. Mr. Holmes he ope ikdajupi okihipi qaiš okihipi šni he cajeyata, qa etanhanna wicayapi wan General Secretary deon wicaqu he yawapi qa un woiwange wan kagapi he iwokdakapi, unkan Mr. Holmes he de heced econpica šni, wicaša ota ptayena išpewicayapi, iyececu šni ce eya, tka Mr. Goodteacher iš hecetu e econpi da keya, qa wosnaka tawapi kin nakun hecetu wicakicida heon hecetu da keya. Mr. Budlong iš wana de taku kin yuštanpi heon sanpa iwokdakapi iyececu šni keya, qa itancan kin heon iwicawanga qa he henana iwokdakapi kta yuštanpi. Wana wicokanhiyaya heced koška ded unpi he hipi wotapi wan wicakicagapi he ekta owasin wodai, qa wicokanhiyaya sanpa 2:30 P. M., tipi wakan ed ptedeyena omniciye econpi qa ed Rev. J. W. Cook nom išicons ope-wicaya, John Tuttle qa Baptiste Archambeau henaozapi. 3 P. M. Koška Omniciye Tipi ed ake Itancan omniciye yugan qa ed Mr. John Kealær he ake litayetu kinhan owasin wotapi kta yaotanin, hehand Mr. Holmes iš hinhanna wihiyayena 9 A.M., kinhan tipi wakan okna wotapi-wakan Sunkakiciyapi opapi owasin wicaqupi kta he yao-tanin, nakun nom decena išiconsapi henaos caje owicawapi kta qa wayuštan opapi kta eya qa hecetu dapi qa owicawapi.

Koška wanji Sunkakiciyapi iya-za oman kta cinpi he cajeyatapi, tka S. C. DeFond he to taku kin de eyepica qaiš eyepica šni hecinhan he tokahoya yuštanpi iyececu keya, qa Mr. Goodteacher he ki-knakapi qa Omniciye tanka ed eyapi kta cajeyata, qa he okna yuštanpi.

Rtayetu wota ayuštanpi hehan ake omniciye qa itancan Mr. Holmes wocekiye econši hehan oyokipi Sunkakiciyapi Tadowan ehunnipi hehan ake omniciye yugan, qa wacajeyatapi qa woecon yawapi qa hecetu dapi. S. C. DeFond he mazaska awan-

yaka etanhana wicayuhapi kta eyapi he wana eyapi wašte eya, qa nakunš to Dakota Wicaša Wakan on wana dehand wamnanyanpi wašte eya qa okihipi qa omniciye yankapi kin ed \$2.11 mnanyanpi. Hehan chapter eceek Dakota Wicaša Wakan on wamnanyan unpi hena Convocation ekta iye iyadyatayena tona mnanyanpi kin kdoipi kta eyapi qa heced yuštanpi.

Mr. Holmes he ehanna Isanyati tipi ed omniciye qa Sunkakiciyapi Wotanin wowapi yuhapi kta cajeyatapi qa un Committee wan kašinigapi qon he wanji hi he cajeyata cin, tka umanpi kin takuna on iknipi šni yedaka takeyapi šni heon toked takuna yuštanpi šni keya. Mr. Goodteacher he nonpakiya omniciye ed caje yanka heon ito Isanyati tipi ed chapter oitancanpi kin hipi heon transfer iyececu cin qa Mr. Chapman woiyowinkiye qu heced detanhon Holy Fellowship Chapter ed eceena caje unkta kiciyustanpi.

Hehan Baptiste Archambeau qa John Tuttle kici decana išicons opapi kin on woiyuškin yuhapi kin caje kdatapi qa nakun opapi owasin iwigakiciyuškinpi on nape wicayuzapi.

Hehan Mr. Chapman qa Mr. Redowl henaos iš ded wicakicopi qa tanyan wicakuwapi heon wopida eyapi cinpi qa tona ob hipi hena owasin najinpi. Mr. Redowl he iš tipi wan koška omniciye kduštanpi qa ed okna oyokipiya omniciye econpi he piwicakicida keya. Mr. Budlong iš winyan wašpanyanpi hena wopida ewicakiciyapi iyececu cajeyata qa okihipi qa owasin wopida eyapi on najinpi.

Mr. Goodteacher he Wakpaipakšan ed chapter išicons opapi kta cinpi qa ekta yeši heon wopida ewicakiciyapi iyececu keya qa he okna yuštanpi. Hehan woman-ye \$2.11 he Mr. Ross Isanyati tipi ed Dakota Wicaša Wakan ta-womnanye awanyake yuhapi kin he hena yuha un kta eyapi qa heced yuštanpi.

S. C. DeFond he enakiyapi šni eced ake Mr. Budlong wokdakin kta cinpi he cajeyata qa okihipi. John Tuttle he to tuwe wan Sunkakiciyapi opa qa enakiyapi kinhan he Baptisma iyececa he? eya, unkan Mr. Budlong he iyececa šni ce eya. Hehan sanpa wokdake qa tukte okna omniciye oecon can wašte hena oyaka, qa wicaša iyoohi tuwe wan wanyag šipi qa oyasin owa wicakiciyuškipi qa eced econpi qaiš eced econpi šni he sdodwieakicicyapi iyececu keya, qa nakun ikeeyo qeyas wi-kaša wicakicopi qa ob wokdakapi eced iyececu keya.

Oiyokipiya omniciye škanpi qeyas wanna Convocation šni hehanyan ekiknakapi kta cajeyatapi qa he okna yuštanpi. Dowanpi qa enakiyapi.

S. C. DeFond, Secretary.
Greenwood, S. D., July 16, 1900

Rosebud Agency ekta St. Andrew Sunkakiciyapi oaleka wan wanna yuhapi - Chapter No. 1650. Oitančanpi kin: Louis Dorian, President; Samuel Bordeaux, Secretary; na James Clairmont, Treasurer. Ho Chapter tona tani ounpapi kin le opapi kin ob cantewašteya napewicunyuzapi.

P. C. I.

Anpao kin:-

Bloketu ota Holwoju oyanke el oyate unqonpi kin taku wan tehan unkablezapi šni selececa, anpetu wan Fourth of July eciyapi kin he. Heon hektah April wi icunhan woawacín wanji el mahi na ito anpetu kin el taku econqonpi wacin canke kola-wicawaye cin wanjigji ob woweiglake na hecetulapi.

Omniciye wan unkagapi na Šungska oyanke el econpi kta yuštanpi; yunkan wanjigji heyanpi, "Hoh!" okihipi šni ce, na el ewacinpí šni. Tka hecel yuha iyoumptapi na wana chan unhipi na tanyan wacconpi kecanmi ye lo. Taku kin le Lakota oyate iye iyatayela otokaheya yuhapi na he kiksuyepica. Wicaša ota el ahi, okinni koktopawinge wanji sam opawinge yamni sam iyayapi naceca, Kangi wicaša qeya ko, tka wanji iyotan unkiyopeya un na on piunlapi kin he, Rev. P. J. Deloria, Inyan woslahan etanhon kin hee.

Anpetu okinuhan kin ataya woecon wašte waliwala kin hena on iyokipičiyapi. Hinhanna kin el Wahpe-ohanzi-glepi tanka el oyate iyuha ai na el wocekiye ecamon na inš Rev. Mr. Deloria wohakonkiye eye, na he ohakab anpetu on wooglake eyapi kta owa yanke cin eekcel škanpi na he icunhan olowan tawa kin hena wašicun iapi ogna ahiyayapi cankel iyokipi tanka. Wicokan kanyela hehan tona hi okihi kin oya-sin wotapi el opapi, taku oyasin wicaša iyokipi kte cin hena ecel econpi. Hehan wicokan sam iyayeh hehan wicoškate tona kalinigapi kin hena ogna škanpi na ecel asnikiyapi, na hehanpi ekta peta on woecon kin he nakun tanyan pazopi.

Iinhanna kin el tona ihunniyanpi šni qon hena ihunnihiyapi na ake wotapi kin he econpi. Mr. Benj. Zimmerman na Paddy Miller oitancanpi na lila blihelya škanpi. Mr. Paddy Miller ake pilaunyanpi lo. Okolakicie wakan etkiya wicaša kin le mazaska on wawokiya sa ye lo, yunkan ake lehanl mazaska wicakiciyapi etkiya wawokiyewicakiye lo.

Ho tuwe keceyaš lila iyokipiya wicohan kin le ihunnihiyapi kecanmi. Tka taku wan iyotan on piwala kin he lee: okinni yukan naceca yeša otanin šti, mini-wakan cola econpi selececa ye laka tuweni itomni wanblake šni, ecin tuwa hecon kin ohounlapi kte šni tka yelo, na nakun tuweni el wosice šni.

Ho mitakuyepi, woblake cin le taku kin wana unkablezapi wašte. Fourth of July icunhanšna itomnihiyapi na wicakizapi, anpetu tuweni tawa šni ce eyapi na he icunhan nakun Lakota oyatepi hektah wicohan tawapi kin on wakpazo wicakiciyapi yuke tka hena econpica šni. Unkoyatepi kta uncinpi hecinhan na le oblake cin le ogna inšeyá waeconpi he wašte nacece lo. Taku oyasin el woa-wacín wanji unyuhapi wašte. Tuwa waawanyake Itancan heci he el wowašte unkilapi kte cin hee, he lila tanka woyuha isanpa kin he unkablezapi iyececa.

Percy Philips,
Emanuel Church

